

Notat

Til: Bård Li

Kopi til:


Frå: Psykologisk institutt

Dette dokumentet er godkjent elektronisk og har derfor ingen fysisk signatur

Innspill til visjonsrapporten

Forsking:

Det sentrale punkt i rapporten frå Visjonsprosjektet er tilråinga om ei tettare samling av campus. Dette er grunnleggjande mellom anna i behovet av tverrfagligheit for å løyse komplekse utfordringar for samfunnet. I følgje NFR evalueringane av helsefaglig forskning så er miljøa ved NTNU i stor grad prega av liten størrelse. Psykologi inngår naturleg i ei rekke tverrfaglige samarbeid, spesielt saman med andre helsefag. Forskingsfronten i psykologi er i dag knytt til avanserte metodar for bildedanning av hjernen, til genetiske analysar, og til store befolkningsundersøkingar. Slike studie krev tverrfaglig samarbeid. Dagens plassering av Psykologisk Institutt på Dragvoll er ugunstig i forhold til samarbeide med andre helsefag. Universiteta i Oslo og Bergen har hatt suksess med tett samarbeid mellom psykologi og spesielt medisin, og Universitetet i Tromsø har lagt til rette for liknande samarbeid. Større grad av tverrfagligheit også ved NTNU kan styrke helsefaglig forskning i konkurransen om ekstern finansiering, med publisering og fleire disputasar som konsekvens. Ei fortetting av campus vil også legge betre til rette for etablering av større forskingsgrupper.



Postadresse

7491 Trondheim

Org.nr. 974 767 880E-post:
psykologi@svt.ntnu.no
<http://www.ntnu.no>**Besøksadresse**Bygg 12, nivå 5, NTNU
Dragvoll**Telefon**

+47 73 59 19 60

Telefaks

+47 73 59 19 20

Saksbehandlar

Tore Amundsen

Tlf: +47 73 59 19 70

All korrespondanse i samband med saksbehandling skal adresserast til den aktuelle eininga ved NTNU og ikkje direkte til einskildpersonar. Ved kontakt ver vennleg og gi opp referanse.

1. Intern eineforfattar, ev i samarbeid med kollegaer internt (58 publikasjonar)
2. Publikasjonar med to eller flere hvor minst en av forskerne er tilknyttet St Olav (27 publikasjonar)
3. Publikasjonar med to eller flere hvor minst en av forskerne er tilknyttet Gløshaugen eller Øya (sykepleierutdanning, Med fak, Rusbehandling Midt-Norge, Regionalt kunnskapssenter for barn og unge osv.) (27 publikasjonar)
4. Publikasjonar med to eller flere forskere som ikke er knyttet til Gløsa, Øya, Med Fak osv., vanligvis utenlandske forskere (112 publikasjonar)
5. Publikasjonar i samarbeid med forskere fra andre institutter på Dragvoll (7 publikasjonar)

Diagrammet viser at det er overvekt av samarbeid og publisering med samarbeidspartnarar utanfor NTNU (kategori 4), dei fleste utanlandske. Instituttet har relativt tett samarbeid med forskingsmiljø på St. Olavs og Øya/Gløshaugen (kategori 2 og 3), i underkant av ¼ av forskinga som publiserast frå instituttet, omtrent det same som intern publisering ved instituttet (kategori 1). Det er svært lite publisering med forskarar frå andre institutt på Dragvoll (kategori 5, under 3%).

Diagrammet viser at sampublisering fungerer godt med miljø som instituttet ikkje har geografisk nærleik til. Geografisk nærleik til miljø ved Dragvoll har ikkje medført sampublisering i særleg grad. Samarbeid med miljøet rundt Øya/Gløshaugen/St. Olavs står derimot for ein relativt stor del av sampublikasjonar (1/4), og flytting nærmare helsefag med betre tilgang til avansert metodikk og pasientgrupper kan være positivt for tverrfaglig forskingssamarbeid. Samarbeidet med andre eksterne (utanlandske og andre miljø som er lokalisert andre plasser i Trondheim/Norge) utgjør den klart største arenaen for sampublisering og vil neppe være skadelidande ved flytting.

Utdanning:

Samhandlingsreforma og Stortingsmelding 13 «Utdanning for velferd. Samspill i praksis» opnar for større samhandling i utdanningane. Dette må ikkje gi ubalanse mellom samhandling og profesjonsspesifikk kompetanse, men det er overlapp mellom undervisinga i profesjonsstudia i psykologi og medisin, som er utgreia av professor/overlege Olav Linaker i brev datert 24.11.2011 og som viser at det er mulig å samkøyre betre. Det kan også vere mulig med fleire etter- og vidareutdanningskurs i samarbeid mellom medisin og psykologi. Tettare samling av fagmiljøa vil lette dette samarbeidet.

Lokalisering:

Nytt Psykiatribygg på Øya er ei aktuell plassering for Psykologisk Institutt dersom det blir aktuelt med flytting frå Dragvoll. Scenario Elite med styrking av fagmiljø, laboratoria og infrastruktur føreset tettare samling av campus, og er eit argument for tettare samling av psykologi med andre liknande fag. Når eit slikt bygg eventuelt skal planleggast, ønsker instituttet å delta i denne diskusjonen. Dette har mellom anna med størrelse på bygget å gjere. Undervisinga ved PSY er organisert slik at størstedelen av staben underviser på alle program, og dette krev at staben samlast i eitt bygg. Auditoria på Dragvoll er for små for PSY sine mest populære emne, med parallelle forelesingar som resultat, og dette blir eit moment i ein eventuell framtidig diskusjon.

Faget psykologi er meir enn eit helsefag, og er tett knytt til samfunnsfag og biologi. Dagens organisering legg godt til rette for samarbeid med samfunnsvitskaplege og humanistiske fag. Ei tettare samling av campus vil legge til rette for samarbeid også med samfunnsmedisinsk og biologisk orienterte miljø, i tillegg til dei muligheitene dagens struktur gir. Det er difor viktig å ta vare på det som fungerer godt i dag, dersom det blir aktuelt med tettare samling av campus.

Venleg helsing

Magne Arve Flaten
Instituttleiar